

三儀同卷

金錄十迴度人早朝開收儀  
金錄十迴度人午朝開收儀  
金錄十迴度人晚朝開收儀

壇元

金錄十迴度人早朝開收儀

宣齋意

經

至心歸依十方道寶當願衆生起心回向一切信種  
心開悟解受持讀誦  
書法橋無有障礙

宿命讚

宿命有信然 弱喪謂之無 皆欲眼前見  
過目即言愆 大賢明道教 慘戚憫頑夫  
依依念子苦 勤勤令我憂

第一迴開經文

臣恭以鴻濛立極真文已縊於太空龍漢開  
圖元始肇生於祖劫神風既鼓道系初凝結  
八會之龍章成三元之鳳篆天地萬化因之  
而建立陰陽四時由是以運行道方河洛之  
圖書並行不悖功比羲文之卦象未足為多

臣今欽奉

綸音崇修金錄延禧大齋典書夜巨今引領  
官衆升壇第一迴轉誦太上洞玄靈寶無量  
度人上品妙經朝禮其誥各一編仰依  
無上三寶慈尊十方諸天大聖慈悲願力主

盟經功伏願金口暢玄琅函啓秘發先天之  
蘊與出太古之篇章俾率土之濱普天之下  
咸皆解悟靡不蒙恩指首虛皇修行經法

敷座吟

諷經畢

解座吟

為諸衆生作善因緣如蒙開悟仰荷玄恩

回向

臣恭以大明生於東東者少陽之位萬物出  
乎震震乃雷門之方是故陽激搏以有聲雷

奮發而破積諸天稱善羅然共讚於靈音一  
國傾心至此始聞於至道所謂擊病開聰之  
義蓋即經功取象之言巨適來引領官衆升  
壇轉誦太上洞玄靈寶無量度人上品妙經  
一編徑用回向

東方無極太上靈寶天尊東方玉清降福天

尊東方青炁青天炁天炁天君東方清昇星君  
青帝護魂君日官太丹鬱儀炁炁太陽帝君  
天垣帝座星君東方木德始陽青皇上帝道  
君歲星真君東方辰宿星君房宿天駟星君

心宿天王星君天市垣列宿星君天蠲宮尊  
神卯宮宋分列宿星君東方無極無量品至  
真大神飛天神王長生大聖無量度人君東  
華司命真君本命太歲祿馬尊神齋壇應感

一切真靈乞以經功願力安鎮東方甲乙大  
火之次鎮安

國祚保固天根伏願玉宇垂芒珠璣順緯東

華主算木公錫不老之年木德致昌東斗注  
長生之字降禎祥之有兆致福慶於無窮猶  
首歸依旋行讚詠

智慧頌旋至東方

太上玄虛宗 弘道尊其經 俯仰以得仙  
歷劫無數齡 總總大真德 寂寂因無生  
霄景結空構 乘虛自然生 日月為炳炳  
安和樂未央

高功於東方恭文

宣表關焚化

宣二迴開經文

臣恭以五篇玉宇生於太空之先諸天內音  
顯自赤明之劫義蘊與而莫見文曲折以難  
詳八角垂芒由洞陽之治鍊九光浮瑞自流  
火之騰輝宜寶秘於上宮不輕宣於下俗臣  
欽奉

綸音崇修金錄延禧大齋晝夜以今引領  
官衆升壇第二迴轉誦太上洞玄靈寶無量  
度人上品妙經朝禮寶誥仰依

無上三寶慈尊十方諸天大聖慈悲願力主  
盟經功伏願開明此道啟沃臣心庶幾雲笈  
之披宣宛若天真之降授金真流響上通三  
素之天玉章洞虛廣演十華之妙有聞梵語  
皆證殊功稽首虛皇修行經法

敷座吟

諷經畢

解座吟

回向

金錄十迴度人早朝開收儀

臣恭以地二生火火為至陽之精明兩作離

離乃南方之卦既重明以麗乎中正俾萬方  
皆覩於光輝自天尊說經教以來

皇極衍基圖之大龜龜至道蕩蕩難名巨適  
來引領官衆升壇轉誦太上洞玄靈寶無量

度人上品妙經第二編徑用回向

南方無極太上靈寶天尊南方延壽益算天  
尊南方大丹天三炁天君南斗上生君赤帝

養炁君南方太微垣帝座星君南方火德丹  
天赤皇上真道君熒惑星君柳星天厨星君

星宿天庫星君張宿天秤星君午宮周分列  
宿尊神獅子宮尊神南方無極無量品至真

大神飛天神王長生大聖無量度人君南極  
司錄府真君本命太歲祿馬尊神齊壇應感

一切真靈乞以經功願力安鎮南方丙丁鴉  
火之次鎮安

國祚保固天根請福致祥延生保命伏願赤  
文告命黃道順躔南斗上生有壽考期頤之

慶東華注福享和平安靜之榮民興禮樂之  
風國有文明之治稽首歸依施行讚誦

智慧頌

學仙絕華念 念念相因積 去來亂我神  
神躁靡不歷 滅念停虛間 蕭蕭入空寂  
請經若飢渴 持志如金石 保子飛玄路  
五靈度符籍

高功於南方恭文

宣表關焚化

宣三迴開經文

臣恭以靈圖未煥真文深隱於延康正道當  
行道君降生於玉國於是元始上帝俾以飛  
天妙書任居上清紫微宮命主洞玄靈寶教  
若無量上品特洞玄一卷之名其與義微辭  
則神霄果經之祖龜龜大梵歷歷難詳臣今  
引領官衆升壇第三迴轉誦太上洞玄靈寶  
無量度人上品妙經朝禮寶誥仰依

無上三寶慈尊十方諸天大聖慈悲願力主  
盟經功伏願金真受簡玉女開函悉技理於  
秘文為快弘於至道細微塵大沙界皆悟靈  
音下地緯上天經同生妙化稽首虛皇修行  
經法

數座吟

諷經畢

解座吟

回向

臣恭以天尊設教宏開衆妙之門元始懸珠

登引十方之聖是謂無量上品結成妙有本

章義貫重玄功施不宰于以安鎮國祚于以

保固天根上德難名真玄莫測臣適來引領

官衆升壇轉誦太上洞玄靈寶無量度人

上品妙經徑用回向

西方無極太上靈寶天尊西方八卦護身天

尊西方太素天七炁天君西斗記名君白帝

侍魄君月宮黃華素曜元精太陰皇君天垣

帝座星君金德太素少陰白皇上真道君太

白星君胃宿天倉星君昴宿天目星君畢宿

天耳星君酉宮趙分列宿星君金牛宮尊神

西方無極無量品至真大神飛天神王長生

大聖無量度人君西靈司錄府真宰本命太

歲祿馬尊神齋壇應感一切真靈乞以經功

願力安鎮西方庚辛大梁之次端為集福延

禧尊矣

社稷伏願

一人有慶重譯來朝玉宇金書紀善名於西

斗珠星壁月呈瑞彩於中天永樂太平咸臻

清靜稽首歸依旅行讚詠

智惠頌

濟我六度行 故能解三羅 持齋禮太素

吐納養靈芽 逍遙金闕內 玉京為余家

自然生七寶 人人坐蓮花 仰瞻玄都奈

俯酣空洞瓜 容顏耀十日 冥計年劫多

法鼓會羣仙 鳴鐘徵大魔

高功於西方恭文

宣表闡焚化

宣四迴開經文

臣恭以五劫開化一氣歸元衆星拱北辰上

森羅於萬象六天橫北道下統御於羣魔惟

靈寶之本章乃上清之要道威制天政則日

月停景璇璣不行嚴攝北極則魔精喪膽鬼

妖滅爽是以出書度世保天長存修之者得

道飛仙乘雲而遊四海奉之者留形住世垂

統而永萬年臣今欽奉

綸音崇修金錄延禧大齋幾晝夜臣今引領

官衆升壇第四迴轉誦太上洞玄靈寶無量

度人上品妙經朝禮寶誥仰依

無上三寶慈尊十方諸天大聖慈願力主

盟經功伏願太真按筆靈妃侍軒煥玉宇於

太空絳瓊文於秘笈振玄門之鼓吹隱韻琳

琅漲道海之波濤玄思曠蕩飛潛動植咸賴

生成稽首虛皇修行經法

數座吟

諷經畢

解座吟

回向

臣恭以說經四徧玄玄之妙義宏深稱慶諸

天渺渺之空歌流響臣適來引領官衆升壇

轉誦太上洞玄靈寶無量度人上品妙經第四

徧徑用回向

北方無極太上靈寶天尊北方消災解厄天

尊北方太玄天五炁天君北極紫微垣帝座

星君北斗落死星君黑帝通血君北方水德

太冥陰元黑皇上真道君辰門星君女宿天  
女星君虛宿天卿星君危宿天錢星君子宮  
齊分列宿星君寶瓶尊神北方無極無量品  
至真大神飛天神王長生大聖無量度人君  
北真司危府星君本命太歲尊神紫堂星煞  
齋壇應感一切真靈乞以經功願力安鎮北  
方壬癸玄枵之次伏願萬聖臨軒諸天稱慶  
增延

睿算與天地以長存廣大

皇圖等山河而永固梯航入貢玉帛來朝稽  
首歸依旋行讚詠

智惠頌

靈風扇奇花 燦爛開繁祿 紫煙鬱重秀  
衆仙彈玉琴 雅歌三天上 散惠玉華林  
七祖升福堂 由此步玄音 前世德未足  
斯書邈難尋 信道情不盡 圖飛乃反沈  
太上無為道 弘之在兆心

高功於北方恭文

宣表闡梵化

三聞經

聞經已後當願求生深入法門歸依信受

萬罪永消善芽增長  
永斷執迷常親正教

發願

復鑑

下壇

謝師

回向

金錄十迴度人早朝開收儀



金錄十迴度人早朝開收儀

宣齋意後

三歸依

宿命讚

宣五迴開經文

臣恭以玉隆騰勝之鄉超無色界碧落浮黎  
之境即始青天昔虛皇將闡道之時開法會  
持說經於此初登獅座上其周迴十過猶可  
得聞既入黍珠中則秘密一真其誰能識是  
謂象外之象要識玄中之玄臣今欽奉

綸音崇修金錄延禧大齋晝夜臣今引領  
官衆升壇第五回轉誦太上洞玄靈寶無量  
度人上品妙經朝禮寶誥仰依  
無上三寶慈尊十方諸天大聖慈願力主  
盟經功伏願開紫陽之秘笈出元始之禁書  
啓迪羣蒙發輝萬有琳琅振響自成空洞之  
音雲漢分章洞煥太空之色有情有識悉見  
悉聞稽首歸依修行經法

敷座吟

諷經畢